

Una volta ci era un rè.

Una volta ci era un rè  
Ind'è un castellu, ind'è un castellu  
Una volta ci era un rè  
Figlioli n'avia tré.

U primu u tenia à fà  
nù un castellu, nù un castellu  
U primu u tenia à fà  
chjosu in stanza ad amparà.

Quill' altru dicia « O bà ! »  
nù un castellu, nù un castellu  
Quill' altru dicia « O bà !  
u mondu vogliu girà ! ».

E' lu terzu per cambia  
nù un castellu, nù un castellu  
E' lu terzu per cambia  
era sempre à caccighja.

Una volta riscuntrò  
nù un castellu, nù un castellu  
Una volta riscuntrò  
pasturella per stradò.

S'è tu mi voli spusà  
nù un castellu, nù un castellu  
S'è tu mi voli spusà  
Regina ti vogliu fà.

Ma preferiscu A Francè  
nù un castellu, nù un castellu  
Ma preferiscu A Francè  
ch'hè pastore cum'è mè.

Pasturella disse nò  
nù un castellu, nù un castellu  
Pasturella disse nò  
u principe n'un spusò.

Ssa fola ziu cuntò  
nù un castellu, nù un castellu  
Ssa fola ziu cuntò  
una sera a lu fucò.

Cançon còrça  
Cantada per Dumè e Maria-Teresa. (I Muvrini).